



Universitätsbibliothek Paderborn

Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1847

MDLXXXVII. Markgraf Johann beleihet Rüdiger von Stahrenberg mit einem
Lehngute in Oesterreich, am 31. Dez. 1438.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

werden, wolgezymet, Vnd haben mit wohlbedachten mude, vnd gutem Rathe, denselben Magdalenen vnd Hedwigen den egenannten Marggraff fridrichen zu der merge-
nanten Elifabethen Irer muter zu Vormunde geben, und sulch Vormundschaft, getreulich zu uerwesen befohlen vnd befehlen Im die von Kuniglicher macht wegen in Krafft dies briefs gepietende ernstlich, das er sich solicher Vormundschaft mit sampt der egenanten seiner Swester anneme, vnd den egenanten seiner Swester Tochttern fleisslich vnd getreulich vorsein wolle vnd solle, als billichen ist, das ist vns also ein ganz wolgefallen, Doch so behalten wir vns Hierynnen die Obersten Vormundschaft, Also das man der obgenanten Magdalen vnd Hedwigen nicht verendern noch verelichen sol es geschee dann mit vnserm Rate vnd willen. Mit vrkund diß briefs verfigelt mit vnserm Kuniglichen Anhangenden Infigel. Geben zu Breslaw, Nach Cristis gepurd Vierzehenhundert Jar vnd dornach in dem Achtvnddrissigsten Jare am Mitwochen nach vnser lieben Frawen tag Concepcionis, vnser Reiche im Erstem Jare.

Ad mandatum domini regis Petrus Kalde prepositus Nordhufienfis.
In dorfo: Rec. Johannes Richter.

Nach dem im K. K. Ges. Hof- und Haus-Archive zu Wien befindlichen Original.

MDLXXXVII. Markgraf Johann beleiht Rüdiger von Starhemberg mit einem Lehngute in Oesterreich, am 31. Dez. 1438.

Wir Johans, von gotes gnaden Marggraue zu Brandenburg vnd Burggraue zu Nuremberg Bekennen für vnsern Lieben Herren vnd vater vns vnd vnser Lieb Bruder vnd aller vnser Erben, Offenlich mit diesem brief, das für vns komen der Edel vnser Lieber getrewer Rudiger von Starhemberg, vnd bate vns demutiglichen an stat sein selbs vnd der Edelen vnser getrewen Lieben vlrichen vnd Hanfen gebrüder von Starhemberg vnd Casparn weylent Jorgen von Starhemberg Sune seinen vettern das wir Im zu sein vnd der yeczgenanten von Starhemberg seiner vettern Handen geruchten zuuerleihen das dorff Steteldorff auf dem wagram gelegen, weinzehent vnd getraydzehend dafelbst mit allen dem vnd zu Im allen gehöret nichts aufgenomen wann das alles von weylent wilburgen von Kappellen Jorgen von dachspurg wittib In gemechtzweyse an sie komen were, das haben wir getan vnd haben dem egenanten Rüdiger von Starhemberg dieselben Lehen mit iren zugehorungen zu sein vnd der obgenanten vlrichen, Hanfen vnd Casparn Handen an des egemelten vnser Lieben Herrn vnd vaters vnser vnd vnser Brueder stat verlihen vnd leihen auch In vnd iren Erben die wyssentlich mit dem brief was wir In zurechte daran leihen sullen oder mügen, In sulcher mafs das sie vnd ir Erben die nu furbaß von dem obgemelten vnsern lieben Herrn vnd vater vns vnd vnsern lieben Brüder vnd allen vnsern Erben In lehensweyse Innhaben, nuczzen vnd niessen sullen vnd mügen als Lehens vnd des Lands zu

Hauptth. II, B. IV.

Osterreich recht ist vngeuerlich doch dem vorgemelten vnserm Lieben Herrn vnd vater vns vnsern Brüdern vnd vnser aller Erben an vnser Lehenschaft on schaden ongeuerde. Mit vrkund diez briefs mit vnserm Anhangenden Insigel versigelt, Geben zu Prefslawe an sand Lucien tag der Heiligen Junckfrawen nach Cristi vnsern lieben Herren gepurte virczehenhundert Jare vnd darnach Imm Achtvnddreyßigsten Jaren.

Nach dem im K. K. Geh. Hof- und Haus-Archive zu Wien befindlichen Original.

MDLXXXVIII. Markgraf Albrecht nimmt als Hauptmann von Schlesien und zu Breslau eine öffentliche Handlung vor, am 20. Mai 1439.

Wir Albrecht, von Gotis Gnoden Margraff zu Brandenburg, Burgraff zu Nuremberg vnd von Kuniglicher Gewalt von Behemen, Houptman in Slezien vnd zu Bresslaw, bekennen offintlichen mit diesem Kegegenwurtigen Brieffe, das vor vns vnd den ediln Cuncz . . Rungen, Petir vom Zabor, Tschafflaw Somerfeld, Conrod Luckow, Petir Kirstan, Kleincze Dompnig, Hannos Pok.. vnd Conrod Camporn vnser Hirren des Koniges von Behemen Manne, in gehegetim Dinge, do der tuchtige Hannos Seidelicz, vnser Hofferichter, von vnsern wegin das Gerichte las, Orteil vnd Recht gebin hot, also als Anthonius Hornig das halbe Dorff zu Woytkewicz, das her von Augustino Richter vnd frawen Margarethan seyne eliche Husfrowe vnd das ettwenne Niclos Merbots ist gewest, gekouft hot, fier Dinge tage wffgebotin hot, ab ymand Czin.. briue adir Zupsproche hette adir habin wolde, der kome byn Jor vnd Tage dy rege vorbrenge vnd nicht vorfweig .. ee dy Gewer awfgeet, als ferre sie ir Recht behaldin wellin, wer Jor vnd Tag sweiget der sweige furbas ewig... efitzet er das Jor vnd Tag an Rechtis ansproche, so mag er das egenante halbe Dorff zu Woytkewicz furbas ..machfam besitzin noch Laute seiner kuniglichen Briue von Rechtis wegin, Das selbe Orteil vnd allis das vo . . . schrebin steht, habin wir stete vnd ganz vnd bestetigen sie von kuniglicher Gewalt von Behemen, der wi.. ebruchen mit dem kuniglichen Ingesegil der Landlute des Ffursthumes zu Bresslaw, das do ist zu Erbin v . . . Sachin das an diesin Kegegenwurtigen Brieffe ist gehangin. Gebin zu Bresslaw, am der Metewochin noch de . . . tage Exaudi noch Cristi Geburt vierczehenhundert Jor vnd dornoch in dem newvndtreißigsten Jore, Dobey .int dy Ediln dy obgeschrebin stehn vnsern Hirren des Koniges von Behemen Man vnd Hannos Banckow Canc.le. .ez vorbenumpten fursthumes zu Bresslaw der diesin kegegenwurtigen Brieffe hat gehabt in Beuelhunge.

Nach dem im Königl. Schlesiſchen Provinzial-Archive in Breslau vorhandenen Original.